

## Zbirka medijskih objava

Vlada Brčko Distrikta\_kliping\_dnevno,  
za razdoblje 14. 6. 2020

---

Broj objava: 3

Internet: 2

Televizija: 1

Teme praćenja:

Vlada Brčko Distrikta: 0

Gradonačelnik ....: 0

Skupština Brčko ....: 0

Brčko: 3

**Brčko:**

Internet	Naslov	<b>Održan Hommage Bekimu Sejranoviću: Njegov život se nije razlikovao od njegovog pisanja</b>		
Serijski br. 1	Medij; Doseg	Klix.ba; 1.158, Bosna i Hercegovina		
	Rubrika, Datum	Ostalo; 13. 6. 2020		
	Autor	S. H. P.		
	Teme	Brčko		

Televizija	Naslov	<b>Stanovništvo odlazi</b>		
Serijski br. 2	Medij; Doseg	Radio televizija BN; , Bosna i Hercegovina	19:30	Trajanje: 4 min
	Rubrika, Datum	Dnevnik; 13. 6. 2020		
	Autor	Unknown		
	Teme	Brčko		

Internet	Naslov	<b>Čampara traži potpunu reformu uređenja javne sigurnosti u Kantonu Sarajevo</b>		
Serijski br. 3	Medij; Doseg	Klix.ba; 1.158, Bosna i Hercegovina		
	Rubrika, Datum	Ostalo; 14. 6. 2020		
	Autor	FENA		
	Teme	Brčko		



## Održan Hommage Bekimu Sejranoviću: Njegov život se nije razlikovao od njegovog pisanja

U sarajevskoj galeriji Charlama danas je održan hommage velikom piscu Bekimu Sejranoviću koji je preminuo 21. maja u 48. godini.

U sarajevskoj galeriji Charlama danas je održan hommage velikom piscu Bekimu Sejranoviću koji je preminuo 21. maja u 48. godini.

O djelu i životu Sejranovića govorio je njegov prijatelj i izdavač Damir Uzunović.

"Bekim je za života napravio tri maestra romana. Očekivali smo još jedan roman, ali njegov se život nije razlikovao od njegovog pisanja, njemu je samo trebalo malo vremena da se koncentrira. Koncentracija mu je bilo čitanje, odlazak iz mjesta u mjesto. Preseleženja iz Osla u Zagreb i Rijeku, zatim u Tuzlu, **Brčko**. Pokušao je da se napravi i dokumentarni film 'Putovanje Savom'. Njemu je Sava bila sve, njemu je otac bio kapetan na riječnom brodu. Kad sam ga video prošle godine činilo mi se da se po malo istrošio, bio je kao u nekom napuštanju", rekao je Uzunović.

Posjetitelji su mogli vidjeti i videomaterijale u kojima je prikazan izbor iz njegovih TV intervjuva, kao i dokumentarni film "Od Tokija od Morave".

Bekim Serjanović je bh. pisac. Autor je knjige kratkih priča "Fasung", romana "Nigdje, niotkuda", "Ljepši kraj", "Sandale", "Tvoj sin Huckleberry Finn" i "Dnevnik jednog nomada".

Godine 2009. godine za svoj roman "Nigdje, niotkuda" dobio je nagradu Meša Selimović.

Njegovi romani i kratke priče prevedeni su na norveški, slovenački, makedonski, njemački, poljski, italijanski, engleski i češki jezik.

# Stanovništvo odlazi







## Čampara traži potpunu reformu uređenja javne sigurnosti u Kantonu Sarajevo

Federalni ministar unutrašnjih poslova i zastupnik u Skupštini Kantona Sarajevo Aljoša Čampara traži potpunu Reformu uređenja javne sigurnosti u Kantonu Sarajevo.

Federalni ministar unutrašnjih poslova i zastupnik u Skupštini Kantona Sarajevo Aljoša Čampara traži potpunu Reformu uređenja javne sigurnosti u Kantonu Sarajevo.

Na sjednici Skupštine Kantona Sarajevo koja je zakazana za utorka 16. juna Čampara će podnijeti inicijativu za reformu uređenja javne sigurnosti u Kantonu Sarajevo po uzoru na Distrikt **Brčko**.

U svom obrazloženju Čampara je naglasio da uređenje javne sigurnosti u Kantonu Sarajevo zahtjeva neposrednu i dalekosežnu strukturalnu reformu.

"Miješanje politike u profesionalni rad policije je hronična slabost u Bosni i Hercegovini, uključujući i stanje u Kantonu Sarajevo u neprihvatljivoj mjeri. Kanton Sarajevo se nosi sa kompleksnim izazovima u javnoj sigurnosti sa nedovoljno dobrim rezultatima u borbi protiv korupcije, organizovanog kriminala, te drugih oblika ozbiljnog kriminala koji negativno utiču na stvaranje sigurnog okruženja za građane, kao i za hiljade turista i posjetilaca", ističe Čampara.

On smatra da bi ovakva reforma trebala predstavljati jedan od kamena temeljaca koji će omogućiti Kantonu Sarajevo napredovanje ka svojim zasluženim društvenim i ekonomskim potencijalima. Njom bi se proširila nezavisnosti Uprave policije Kantona Sarajevo kako bi se omogućilo profesionalnije, transparentnije i odgovornije djelovanje.

"Policija nezavisna od nepriličnih političkih upliva je obilježje modernih i demokratskih policijskih sistema. Uprava policije Kantona Sarajevo već posjeduje cijeli opseg operativnih, logističkih i administrativnih i finansijskih mehanizama za pružanje efikasne policijske usluge građanima. Nezavisnost policije također predstavlja važan preduslov za unapređenje odgovornosti i transparentnosti koji predstavljaju sastavne komponente dobre vladavine i vladavine zakona u demokratskim sistemima", navodi Čampara.

Inicijativa podrazumijeva da Skupština Kantona Sarajevo ovim nalaže Vladi Kantona Sarajevo da uspostavi ekspertnu radnu grupu pod vodstvom Komesara policije Kantona Sarajevo da pripremi novi Zakon o Upravi policije Kantona Sarajevo, kao i ažuriranu verziju Zakona o policijskim službenicima Kantona Sarajevo, te pozove predstavnike međunarodne zajednice da pomognu koliko je potrebno. Rok za to bi bio 90 dana.

Nadalje, uspostavi ekspertnu radnu grupu pod vodstvom Ministra unutrašnjih poslova Kantona Sarajevo da razvije pravne i administrativne mjere neophodne za institucionalno repozicioniranje preostalih obaveza, te za gašenje pravnog karaktera Ministarstva unutrašnjih poslova Kantona Sarajevo, te pozove predstavnike međunarodne zajednice da pruže pomoć koliko

je potrebno. Rok je 90 dana.

Također, uspostavi ekspertnu radnu grupu pod vodstvom Premijera Kantona Sarajevo da isplanira pravni, finansijski i administrativni put za izgradnju novog, modernog i adekvatnog sjedišta za Upravu policije Kantona Sarajevo u cilju efikasnijeg pružanja policijskih usluga građanima; Rok i za ovo je 90 dana.

Podršku navedenoj inicijativi dali su i Ambasada SAD-a i OHR.